

SAMPYKKTIR

fyrir byggðasamlagið Vatnsveitu Rangárþings ytra og Ásahrepps bs.

1. gr.

Byggðasamlagið

Sveitarfélögin Rangárþing ytra og Ásahreppur hafa frá 1. janúar 2006 átt aðild að byggðasamlagi um rekstur sameiginlegra vatnsveitu sem heitir Vatnsveita Rangárþings ytra og Ásahrepps bs. Heimili og varnarþing byggðasamlagsins er í Rangárþingi ytra.

2. gr.

Ábyrgð og eignarhluti

Sveitarfélögin bera einfalda ábyrgð á fjárhagslegum skuldbindingum byggðasamlagsins en innbyrðis skiptist ábyrgðin í hlutfalli við íbúafjölda. Eignarhluti hvors sveitarfélags er þannig að Rangárþing ytra á 81,76% og Ásahreppur 18,24%.

3. gr.

Verkefni

Aðildarsveitarfélögin fela byggðasamlaginu skipulag og framkvæmd þeirra verkefna sem kveðið er á um í lögum um vatnsveitur sveitarfélaga nr. 32/2004 og reglugerð sem sett er á grundvelli þeirra. Starfssvæði vatnsveitunnar er hið sama og staðarmörk aðildarsveitarfélaganna.

Hlutverk byggðasamlagsins er:

- Að annast rekstur vatnsveitu fyrir aðildarsveitarfélögin.
- Að ákveða framkvæmd vatnsveitumála á starfssvæði vatnsveitunnar í samræmi við samþykktir sínar og ákvæði laga, þar á meðal að hafa yfirumsjón með uppbyggingu og viðhaldi veitunnar, virkjun vatnsbóla, lagningu vatnsæða, og byggingu annarra mannvirkja sem nauðsynleg kunna að vera til reksturs veitunnar.
- Að kappkosta að starfseminni sé ávallt hagað þannig að hún uppfylli ákvæði laga, reglugerða og starfsleyfis um rekstur vatnsveitu.
- Að framkvæma gjaldskrárstefnu með þeim hætti að íbúar í sveitarfélögunum og atvinnulíf njóti hagkvæms reksturs.
- Að tryggja öryggi og auka sveigjanleika í rekstri vatnsveitu fyrir aðildarsveitarfélögin.
- Að stuðla að tæknilegum framförum.
- Að haga starfseminni þannig að hún verði ávallt í fararbroddi og sátt við umhverfið.
- Að annast og stuðla að sölu á vatni út fyrir starfssvæði veitunnar til utanaðkomandi aðila.

Til að ná markmiðum sínum er vatnsveitunni heimilt að eignast hlut í öðrum fyrirtækjum sem starfa á sama sviði. Ákvarðanir um hlutafjárkaup skulu þó njóta stuðnings og samþykkis sveitarstjórna aðildarsveitarfélaganna.

4. gr.

Skipan stjórnar

Stjórn byggðasamlagsins skal skipuð þremur aðalmönnum, tveimur frá Rangárþingi ytra og einum frá Ásahreppi, og skulu þeir kjörnir úr hópi aðalfulltrúa í sveitarstjórnunum. Jafnframt skulu skipaðir þrír varamenn úr hópi aðal- eða varamanna í sveitarstjórn. Stjórnarmenn skulu kosnir af sveitarstjórnnum í upphafi hvers kjörtímabils og skal kjörtímabil stjórnarinnar vera hið sama og sveitarstjórnanna. Stjórnin skiptir með sér verkum.

Sveitarstjórar beggja sveitarfélaganna eiga rétt til setu á fundum stjórnar byggðasamlagsins með málfrelsi og tillögurétt. Sveitarstjóri annars hvors sveitarfélagsins fer með framkvæmdastjórn

1
K.O.
E.H.
S.O.
A
all
50

byggðasamlagsins og tekur stjórnin ákvörðun um hvor það er í upphafi kjörtímabils hennar. Stjórninni er þó heimilt að ráða annan sem framkvæmdastjóra byggðasamlagsins með samþykki sveitarstjórna aðildarsveitarfélaganna.

5. gr.

Stjórnarfundir

Stjórnarfundur er ályktunarhæfur ef löglega hefur verið til hans boðað og meirihluti kjörinna stjórnarmanna er mættur til fundar. Við afgreiðslu mála skulu stjórnarmenn leggja sig fram um að komast að sameiginlegri niðurstöðu. Ef til atkvæðagreiðslu kemur og atkvæði falla jöfn þá gildir sú regla að atkvæði formanns sker úr. Á það við um hefðbundin viðfangsefni stjórnar og að öllu jöfnu, en óski stjórnarmaður eftir þá ber að vísa viðkomandi úrlausnarefni til sveitarstjórna beggja sveitarfélaganna til umræðu milli stjórnarfunda.

Stjórnin heldur að jafnaði 3-6 fundi á ári. Formaður stjórnar boðar til stjórnarfunda. Fundarboð skal berast stjórnarmönnum og áheyrnarfulltrúum eigi síðar en tveimur sólarhringum fyrir fund. Boðun funda skal fara fram með rafrænni tilkynningu á netfang fundarmanna. Fundargögn skulu gerð aðgengileg með rafrænum hætti. Fundarboði skal fylgja dagskrá fundar og þau gögn sem nauðsynleg eru til að fundarmenn geti tekið upplýsta afstöðu til mála sem þar eru tilgreind.

Hver stjórnarmaður getur krafist aukafundar. Aukafund skal boðað ekki síðar en tveimur sólarhringum eftir að ósk þar um berst formanni stjórnar. Fundarboð vegna aukafundar skal sent svo fljótt sem auðið er og ekki síðar en sólarhring fyrir fund.

Aðalmenn bera ábyrgð á boðun varamanna. Stjórnarfundir skulu skráðir og afrit af fundargerðum send sveitarstjórnnum aðildarsveitarfélaganna.

6. gr.

Fjármál

Allar ákvarðanir stjórnar byggðasamlagsins sem skuldbinda sveitarfélögin skulu hljóta samþykki beggja sveitarstjórna áður en þær taka gildi. Stjórnin getur því ekki skuldbundið aðildarsveitarfélögin umfram það sem kveðið er á um í fjárhagsáætlun byggðasamlagsins sem samþykkt er af báðum sveitarstjórnnum.

Stjórninni ber að skila drögum að fjárhagsáætlun næsta árs til aðildarsveitarfélaganna eigi síðar en 15. október ár hvert þar sem gerð er grein fyrir fjárförv vatnsveitunnar vegna komandi árs. Með drögum að fjárhagsáætlun skulu jafnframt fylgja drög að gjaldskrá vatnsveitunnar sem samþykkt skal af báðum sveitarstjórnnum í tengslum við afgreiðslu fjárhagsáætlunar byggðasamlagsins.

Tekjur byggðasamlagsins eru framlög sveitarfélaganna eins og þau eru tilgreind í samþykktri fjárhagsáætlun og þjónustutekjur samkvæmt gjaldskrá eða samningum.

Stjórnin skal fylgjast með að rekstur vatnsveitunnar sé innan fjárheimilda og bregðast við ef út af ber.

Stjórninni er heimilt að semja við aðildarsveitarfélag um þjónustu við byggðasamlagið, s.s. fjármálalega umsýslu.

Stjórnin staðfestir ársreikninga byggðasamlagsins fyrir ár hvert og miðast reikningsárið við almanaksárið. Reikningar byggðasamlagsins skulu endurskoðaðir af löggiltum endurskoðanda sem stjórn þess ræður til starfsins með samþykki sveitarstjórna aðildarsveitarfélaganna. Vinna skal ársreikninga í samræmi við ákvæði laga um bókhald og ársreikninga, svo og aðrar góðar bókhalds- og reikningsskilavenjur, skv. 59. gr. laga nr. 138/2011.

Senda skal fullgerðan ársreikning, staðfestan af stjórn byggðasamlagsins og áritaðan af endurskoðanda til beggja aðildarsveitarféлага fyrir 15. apríl ár hvert.

AL
BFF. UHG
ES
K.O. au
Eg so

7. gr.

Endurskoðun samþykktar og slit byggðasamlagsins

Samþykktir þessar skulu endurskoðaðar verði breytingar á verkefnum sem byggðasamlagið skal sinna eða á lögum sem um málaflokkinn gilda. Breytingar á samþykktum byggðasamlagsins þarfnast samþykkis beggja sveitarstjórna aðildarsveitarfélaganna á lögsmætum sveitarstjórnarfundi.

Hvort sveitarfélag getur sagt upp aðild að byggðasamlaginu með tveggja ára fyrirvara miðað við áramót. Um úrsögn sveitarfélags úr byggðasamlaginu eða slit þess fer að öðru leyti eftir 95. gr. sveitarstjórnarlaga nr. 138/2011.

8. gr.

Gildistaka

Samþykktir þessar öðlast gildi við staðfestingu innanríkisráðuneytisins. Falla þá jafnframt úr gildi samþykktir fyrir Vatnsveitu Rangárbings ytra og Ásahrepps sem settar voru 10. apríl 2006. Núverandi stjórn heldur umboði sínu til loka yfirstandandi kjörtímabils.

Menningarhúsinu Hellu 15. desember 2015

Sveitarstjórn Ásahrepps

[Handwritten signatures of the Ásahrepps council members]
Egill Sigurðsson
Brynja J. Jónasdóttir
Karl Ólafsson
Elín Grétarsdóttir

Sveitarstjórn Rangárbings ytra.

[Handwritten signatures of the Rangárbings ytra council members]
Magnús Heppur Guðmundsson
Sanna María Kirkjúlásk
Sigríður Ólafsdóttir
Haraldur
Þorgerður Þorjónsdóttir
Yngvi K. Jónsson

Staðfesting innanríkisráðuneytisins